

Comune di
San TeodoroComune di
Loiri Porto San PoloComune di
Golfo AranciComune di
Budoni

BÀNDIU PA' LA STAMPA UNIÒNI CUMUNI RIVIERA DI GADDHURA

"Sighimu a faiddhallu- Sighimu a lu faeddare"

Illi Cumuni di la Riviera di Gaddhura tòrra a palti l'attivitài di l'Ufficiu di la Linga Gaddhurésa e Salda grazi a lu progèttu "Sighimu a faiddhallu- Sighimu a lu faeddare", chi piddha in palti li cumuni di Budùni, Figari, Lóiri Pòltu Santu Pàulu e Santu Diadòru, cu' lu scòppu di sighi lu trabaddhu cuminciatu illu 2021 pa' dà valóri e galdà li linghi di minuria faiddhàti illu tirrittóriu.

L'attivitài finanziata da la Regioni Saldigna pal mèzu di lu bàndiu TuLis, grazi a la Lègghji 482 di lu 99 e a la Lègghji Regionali 22 di lu 2018, à còm'e scòppu primmàgghju chissu di prummu chisti dui linghi in tutti li lóchi, paltèndi da l'amministràzioni pùbbrichi ma andèndi a tuccà tutti li cumunitài chi sò tuccàti, cilchèndi di pruppunissi còm'e un mèzu ùttili e a la pultata di tutti li chi vóni intrà e piddhà palti di chistu mundu linghisticu e culturali di lu Gaddhurésu e di lu Saldu, ancóra palchì, comu è cumbinatu l'annu passatu, è appustata puru una palti in Linga Salda pa' la cumunitài di Budùni chi li faèddha tutt'e dui.

L'ènti agghjudicariu di lu silvìziu è l'Istitutu Chircas, chi ponarà a dispusizioni, pa' dugna cumuni chi piddha palti a lu progèttu, l'operadóri di l'Ufficiu linghisticu chi sighini: Anna Maria Giagheddu, Laura Mossa, Riccardo Mura e Maria Vittoria Pulixi, chi, pa' lu gaddhurésu, saràni dispunibbili cunfòlma lu calandàriu chi sighi:

Luni: da l'11 di matinata a l'una (11:00-13:00), illu Cumuni di Figari - tel: 0789 612900

Màlcuri: da li 9 e mèzu a l'11 e mèzu di matinata (09:30-11:30), illu Cumuni di Santu Diadòru - tel: 0784 860011

Ghjói: da li 9 e mèzu a l'11 e mèzu di matinata (09:30-11:30), illu Cumuni di Budùni - tel: 0784 844007

Màlcuri: da li 3 e mèzu a li 5 e mèzu di sirintina (15:30-17:30), illu Cumuni di Lóiri Pòltu Santu Pàulu -tel: 0789 48111.

Pa' la linga salda, illu Cumuni di Budùni, l'operadóri ingarrigati sò Emilio Canu e Salvadóri Canu chi si podaràni agattà lu Ghjóì da li 9 e mèzu a l'11 e mèzu di matinata (09:30-11:30), illu Cumuni di Budùni - tel: 0784 844007

L'operadóri podaràni esse cilcati ancóra pa' mèzu di mail, a lu 'ndirizzu: sportellolinguisticoriviera@gmail.com o innantu a la paggina Facebook Ufficiu di la Linga Gaddhurésa.

L'operadóri, infrà di l'orariu di l'Ufficiu linghisticu, appiù di traduci atti amministrativi e bandi pùbbrichi, podaràni esse d'agghjùtu, pal mèzu di l'attivitài di fà a cara a la 'jènti "front office", a chissa palti di la cumunitài chi à bisògnu, curiositài o piacéri di cunfruntassi cun iddhi innantu a tematichi linguistici e culturali chi àni fattu la storia di chistu tirrittóriu.

Lu scòppu chi vó ragghjunghjì l'amministràzioni cumunali, anda a man'a manu cun chissu di l'Istitutu Chircas, e è chissu di fà piddhà palti, ill'attivitài, di più ghjènti pussibbili di scéri d'età diffarènti in tuttu, diffàtti si cilcarà di puni in puni in mèzu sia li ciòani chi l'ansiàni, chènà cudiàssi li passòni mizàni infrà chi chist'età chi podaràni fà di liùgnu cu' l'alti.

L'istitutù Chircas, pal mèzu di li só' operadóri, si prupponi, agghjutèndisi cu' la 'jènti di lu lócu, d'appustà ciurràti linghisticu e culturali vel di tutta la cumunitài, pal mèzu di cilchi storichi o attivitài di camasinu illi scóli e cèntri ludicu-ricreativi; cunfruntèndisi cun pro-loco, ghjésgia e dugna alta scéra di associazioni chi s'agatta illu tirrittóriu.

Cu' li scóli si sigarà cu' lu Prémio di Puisia cuminciatu l'annu passatu: venarà appustata l'ediziòni di Il sèmpri grazi a sculàni e mastri di li scóli di lu tirrittóriu chi venaràni presi in palti in attivitài di camasinu e d'agghjùtu accumpagnèndi li ciòani poètti illa scrittura di paràuli in prosa e in puisia chi daràni ricchèsa sia a li sculàni chi a lu prémio mattèssi.

Vi saràni ancóra scóli di fulmazioni in gaddhurésu e saldu, chi venaràni bandiàti bè primma di cumincià.